

黃氏逸書考

子史鈎沈

逸書考

檀道鸞續晉陽秋

甘泉黃奭學

太宗簡文帝

帝諱昱字道萬中宗少子也仁聞有智度穆
帝幼冲以撫軍輔政大司馬桓溫廢海西公
而立帝在位三年而崩

世說德行篇注

帝外壓彊臣憂憤不得志在位二年而崩

世說

言語篇注

孝武帝

寧康三年九年九日帝講孝經僕射謝安侍
坐吏部尚書陸納兼侍中卞耽讀黃門侍郎
謝石吏部袁宏兼執經中書郎車胤丹陽尹
王混摘句世說言語篇注 御覽三十二引
謝安侍坐陸納并下耽執讀謝石袁宏並執
經車胤王溫摘句

梁王

梁王珍之字景度

世說豪爽篇注

鄭沖

初文帝命荀勗賈充裴秀等分定禮儀律令

皆先咨鄭冲然後施行也

世說政事篇注

謝安

自中原喪亂民離本域江右創造豪傑并兼
或客寓流離名籍不立太元中外禦強氏蒐
簡民實三吳頗加澄檢正其里伍其中時有
山湖遁逸往來都邑者後將軍安方接客時
人有於坐言宜糾合藏之失者安每以厚德
化物去其煩細又以強寇入境不宜加動人
情乃荅之云卿所憂在於客耳然不爾何以

爲京都言者有慚色

世說政事篇注

謝安初攜幼穉同好養志海濱襟情超暢尤
好聲律然抑之以禮在哀能至弟萬之喪不
聽絲竹者將十年及輔政而修室第園館麗
車服雖替月之慘不廢妓樂王坦之以苦諫
焉

世說賞譽篇注

安弘雅有氣風神調暢也

世說同上

初安家於會稽上虞縣優遊山林六七年間
徵召不就雖彈奏相續繼以禁錮而晏然不

屑也

世說同上

初安優遊山水以敷文析理自娛桓溫在西
蕃欽其盛名諷朝廷請爲司馬以世道未夷
志存匡濟年四十起家應務也

世說同上

初苻堅南寇京師大震謝安無懼色方命駕
出墅與兄子玄圍棋夜還乃處分少日皆辦
破賊又無喜容其高量如此

世說雅量篇注

晉隆和中河東裴啟撰漢魏以來迄於今時
言語應對之可稱者謂之語林時人多好其

事文遂流行後說太傅事不實而有人於謝
坐敘其黃公酒壚司徒王珣爲之賦謝公加
以與王不平乃云君遂復作裴郎學自是眾
咸鄙其事矣安鄉人有罷中宿縣詣安者安
問其歸資荅曰嶺南凋弊唯有五萬蒲葵扇
又以非時爲滯貨安乃取其中者捉之於是
京師士庶競慕而服焉價增數倍旬日無賣
矣夫所好生羽毛所惡成瘡痂謝相一言挫
成美於千載及其所與崇虛價於百金上之

愛憎與奪可不慎哉

世說輕詆篇注

御

罷中宿縣者還詣安至旬日則無所賣矣又以作謂競慕而服焉作競而慕焉

謝玄

玄識局真正有經國之才畧

世說識鑒篇注

謝朗

朗字長度安次兄據之長子安蚤知之文義

豔發名亞於玄仕至東陽太守

世說言語篇注

謝重

謝重字景重陳郡人父朗東陽太守重明秀

檀道鸞續晉陽秋

四

有才會終騎長史

世說言語篇注

桓沖

桓沖本以將相異宜才用不同忖己德量不及謝安故解揚州以讓謝安自謂少經軍政及爲荊州聞苻堅自出淮肥深以根本爲慮遣其隨身精兵三千人赴京師時安已遣諸軍且欲外示閒暇因令沖軍還沖大驚曰謝安乃有廟堂之量不閑將畧吾量賊必破襄陽而并力淮肥今大敵果至方遊談示暇遣

諸不經事年少而實寡弱天下誰知吾其左
袵矣俄聞大勲克舉慚慨而薨

世說尤悔篇注

桓溫

桓溫旣以雄武專朝任兼將相其不臣之心
形於音迹曾卧對親僚撫枕而起曰爲爾寂
寂爲文景所笑衆莫敢對

世說尤悔篇注

袁宏

虎少有逸才文章絕麗曾爲詠史詩是其風
情所寄少孤而貧以運租爲業鎮西謝尙時

鎮牛渚乘秋佳風月率爾與左右微服泛江
會虎在運租船中諷詠聲既清會辭文藻拔
非尙所曾聞遂往聽之乃遣問訊荅曰是袁
臨汝郎誦詩卽其詠史之作也尙佳其率有
勝致卽遣要談話申旦自此名譽日茂

篇注

世說
文學

宏從溫征鮮卑故作北征賦宏文之高者

世說

同上

宏爲大司馬記室叅軍後爲東征賦悉稱過

江諸名望時桓溫在南州宏語衆云我決不
及桓宣城時伏滔在溫府與宏善苦勸之宏
笑而不荅滔密以啟溫溫甚忿以宏一時文
宗又聞此賦有聲不欲令人顯問之後遊青
山飲酌旣歸公命宏同載衆爲危懼行數里
問宏曰聞君作東征賦多稱先賢何故不及
家君宏荅曰尊公稱謂自非下官所敢專故
未呈啟不敢顯之耳桓乃云君欲爲何辭宏
卽荅曰風鑒散朗或掇或引身雖可忘道不

可隕則宣城之節信爲允也溫泣然而止

世說

同上

袁宏字彥伯陳郡人魏郎中令煥六世孫也祖猷侍中父勗臨汝令宏起家建威叅軍安南司馬記室太傅謝安賞宏機捷辯速自吏部郎出爲東陽郡乃祖之於冶亭時賢皆集安欲卒迫試之執手將別顧左右取一扇而贈之宏應聲荅曰輒當奉揚仁風慰彼黎庶台坐要捷性直亮故位不顯也在郡卒

世說言語篇注 文選袁彥伯三國名臣贊
注引袁安字彥伯陳郡人爲大司馬府記室
參軍稍遷至吏部郎出爲東陽郡守又沈休
文齊故安陸昭王碑文注引謝安賞袁宏機
對辯速宏爲東陽郡安取一扇授之聊以贈
行宏應聲曰輒當奉揚仁風慰彼黎庶 藝
文六十九引謝安賞袁宏機對辯速後宏出
爲東陽郡時賢祖道治亭安起執宏手顧就
左右取一扇授云聊以贈行宏應聲曰輒當
奉揚仁風慰彼黎庶合坐稱其 而當 御
覽七百二引同藝文而當作要

鄧超

超少有才氣越世負俗不循常檢時人爲一
代盛譽者語曰大才槃槃謝家安江東獨步

王文度盛德口新郟嘉賓

世說賞譽篇注

超謂溫雄武當樂推之運深自委結溫亦深相器重故潛謀密計莫不預焉

世說雅量篇注

超有才能珣有器望竝爲溫所重

世說寵禮篇注

超黨戴桓氏爲其謀主以父愔忠於王室不令知之將亡出一小箱付門生云本欲焚此書恐官年尊必以傷愍爲斃我亡後若大損眠食則呈此箱愔後果慟悼成疾門生乃如超旨則與桓溫往反密計愔見卽大怒曰小

子死恨晚後不復哭

世說傷逝篇注

殷浩

時穆帝幼沖母后臨朝簡文親賢民望任登宰輔桓溫有平蜀洛之勲擅強西陝帝自料文弱無以抗之陳郡殷浩素有盛名時論比之管葛故徵浩爲揚州溫知意在抗已甚忿焉

世說賞譽篇注

簡文輔政引殷浩爲揚州欲以抗桓桓素輕浩未之憚也

世說品藻篇注

浩雖黜夷神委命雅詠不輟雖家人不見
其有流放之戚外生韓伯始隨至徙所周年
還都浩素愛之送至水側乃詠曹顏遠詩曰
富貴它人合貧賤親戚離因泣下其悲見於
外者唯此一事而已

世說黜免篇注

王珣

珣學涉通敏文高當世

世說文學篇注

珣初辟大司馬掾桓溫至重之常稱王掾必
爲黑頭公未易才也

世說雅量篇注

習鑿齒

習鑿齒少而博學才情秀逸溫甚奇之自州從事歲中三轉至治中後以忤旨左遷戶曹叅軍衡陽太守在郡著漢晉春秋斥溫覬覦之心也世說文學篇注御覽二百六十二引檀道鸞晉紀至治中止少而博學作少博涉溫甚奇之作桓溫奇之

孫綽

綽雖有文才而誕縱多穢行時人鄙之世說品藻篇注

孫盛

孫盛善理義時中軍將軍殷浩擅名一時能與劇談相抗者唯盛而已

世說文學篇注

王獻之

獻之文義並非所長而能撮其勝會故擅名

一時爲風流之冠也

世說品藻篇注

緯畧

獻之雖不修常貫而容止不妄

世說雅量篇注

謝混

初帝爲晉陵公主訪壻於王珣珣舉謝混云

人才不及真長不減子敬帝曰如此便已足矣

世說排調篇注

王坦之

坦之雅貴有識量風格峻整

世說品藻篇注

許詢

許詢字玄度高陽人魏中領軍允玄孫總角秀惠衆稱神童而風情簡素司徒掾辟不就

蚤卒

世說言語篇注

詢能言理曾出都迎姊簡文皇帝劉真長說

檀道鸞續晉陽秋

十

其情旨及襟懷之詠每造邾賞對夜以繼日

世說賞譽篇注又一條注云案詢集詢出都迎姊於路賦賦注續晉陽秋亦然

詢有才藻善屬文自司馬相如王褒楊雄諸

賢世尙賦頌皆體則詩騷傍綜百家之言及

至建安而詩章大盛逮乎西朝之末潘陸之

徒雖時有質文而宗歸不異也正始中王弼

何晏好老莊玄勝之談而世遂貴焉至過江

佛理尤盛故郭璞五言始會合道家之言而

顏之詢及太原孫綽轉相祖尙又加以三世

之辭而詩騷之體盡矣詢綽並爲一時文宗

自此作者悉體之至義熙中謝鯤始改世說文學

篇注文選沈休文宋書謝靈運傳論注引

自司馬相如至傍綜百家之言傍綜作詩總

又引及至建安而詩章大盛至不異也無雖

時二字質文作文質無也字又引正始中至

貴焉老莊作莊子世俗又引許詢有才藻

善屬文詢及太原孫綽至末悉體作悉化始

改下有之字

孔安國

孔安國字安國會稽山陰人車騎愉第六子也少而孤貧能善樹節以儒素見稱歷侍中

太常尚書遷左僕射特進卒

世說德行篇注

張玄之

張玄之字祖希吳郡太守澄之孫也少以學顯歷吏部尚書出爲冠軍將軍吳興太守會稽內史謝玄同時之郡論者以爲南北之望玄之名亞謝玄時亦稱南北二玄卒於郡

世說

言語篇注

車胤

胤字武子南平人父育爲郡主簿太守王胡

之有知人識裁見謂其父曰此兒當成卿門
戶宜資令學問肩就業恭勤博覽不倦家貧
不常得油夏月則練囊盛數十螢火以繼日
焉及長風姿美劭機悟敏率桓溫在荊州取
爲從事一歲至治中肩旣博學多聞又善於
激賞當時每有盛坐肩必同之皆云無車公
不樂太傅謝安遊集之日開筵以待之累遷
丹陽尹護軍將軍吏部尙書

世說識鑒篇注
文選任彥升

爲蕭揚州作薦士表注引車肩字武子學而
不倦至以繼日焉以下有夜字

藝文九十

七引同文選注
御覽九百四十五引同文
選注學作好學
事類賦三十引同御覽

王珉

珉風情秀發才辭富贍
世說賞譽篇注

珉有雋才與兄珣並有名聲出珣右故時人

爲之語曰法護非不佳僧彌難爲兄
世說規

御覽五百十六引珉上有王字聲上有而
字時人上無故字僧作阿

王獻之爲中書令王珉代之時人曰大小王

令
世說政事篇注
說郭五十九引獻之卒
以王珉爲中書令世謂之大王令小王令

也

韓伯

韓伯字康伯潁川人好學善言理歷豫章太

守領軍將軍

世說德行篇注

康伯清和有思理幼爲舅殷浩所稱

世說賞譽篇注

桓伊

伊字叔夏譙國鉅人父景護軍將軍伊少有

才藝又善聲律加以標悟省率爲王濛劉惔

所知累遷豫州刺史贈右將軍

世說方正篇注

左將軍桓伊善音樂孝武飲燕謝安侍坐帝

命伊吹笛伊神識無忤既吹三弄乃放笛云
臣於箏乃不如笛然自足以韻合歌管臣有
一奴善吹笛且相使串請進之帝賞其放率
聽召奴奴既至吹笛伊撫箏而歌怨詩因以
爲諫也世說任誕篇注書鈔一百十一引
帝命桓伊吹笛伊神色無忤卽吹爲
一弄

王恭

王恭深懼禍難抗表起兵於是遣左將軍謝
琰討恭恭敗走曲阿爲湖浦尉所擒初道子

與恭善欲載出都面相折數間西軍之逼乃
令於兒塘斬之梟首於東桁也

世說仇隙篇注

謝敷

謝敷字慶緒會稽人崇信釋氏初入太平山
中十餘年以長齋供養爲業招引同事化納
不倦以母老還南山若耶中內史郗超薦之
徵博士不就初月犯少微星一名處士星占
云以處士當之時戴逵居剡旣美才藝而交
遊貴盛先敷著名時人憂之俄而敷死會稽

人士以嘲吳人云吳中高士便是求死不得

世說樓逸篇注

初學記

一引會稽謝敷字

慶緒隱若耶山忽月犯少微星少微一名處

士星時戴逵名著於敷時人憂之俄而敷死

故會稽人士嘲吳人曰吳中高士求死不得

藝文三十六引謝敷隱居會稽山初月犯

少微星已下同初學記名者作名重嘲下無

吳人二字御覽五百四引同藝文不得下

有死字書鈔一百五十引會稽謝敷隱若

耶生初有星犯少微案生初二字誤當作死

戴逵

逵不樂當世以琴書自娛隱會稽剡山國子

博士徵不就

世說樓逸篇注

達善圖畫窮巧丹青也

世說識鑒篇注

范宣

宣少尚隱遁家於豫章以清潔自立

世說棲逸篇注

桓修

修少爲立所侮於言端常嗤鄙之

世說排調篇注

桓亮

桓亮字景真大司馬溫之孫父濟給事中叔父玄篡逆見誅亮聚衆於長沙自號湘州刺史殺太宰甄恭衡陽前太守韓繪之等十餘

檀道鸞續晉陽秋

十五

人爲劉毅軍人郭珍斬之

世說賢媛篇注

顧愷之

愷之尤好丹青妙絕於時遂以一厨畫寄桓
玄皆其絕者深所珍惜悉糊題其前桓乃發
厨後取之好加理復愷之見封題如故而畫
並不存直云妙畫通靈變化而去如人之登
仙矣

世說巧藝篇注又引愷之圖寫特妙

愷之矜伐過實諸年少因相稱譽以爲戲弄
爲散騎常侍與謝瞻連省夜於月下長詠自

云得先賢風制瞻每遙贊之愷之得此彌自
力忘倦瞻將眠語槌腳人代愷之不覺有異
遂幾申旦而後止世說文學篇注 御覽四
百九十九引顧愷之夜於
月下長詠至末制作製贊上有稱字槌人
下作令代焉有異作其異旦上無申字

殷仲文

仲文字仲文陳郡人祖融太常父康吳興太
守仲文聞玄平京邑棄郡投焉玄甚悅之引
爲諮議叅軍時王謐見禮而不親卞範之破
親而少禮其寵遇隆重兼於王卞矣及玄纂

位以佐命親貴厚自封崇輿馬器服窮極綺
麗後房妓妾數十絲竹不絕音性甚貪鄙多
納賄賂家累千金常若不足玄旣敗先投義
軍累遷侍中尚書以罪伏誅

世說言語篇注

仲文雅有才藻著文數十篇

世說文學篇注

殷仲堪

仲堪仲文之從兄也少有美譽

世說賞譽篇注

褚爽

爽字茂宏河南人太傅裒之孫秘書監掾

子太傅謝安見其少時嘆曰若期生不佳我不復論士及長果俊邁有風氣好老莊之言當世榮遇弗之屑也惟與殷仲堪善累遷中書郎義興太守女爲恭皇帝后

世說識鑒注

袁山松

袁山松善音樂北人舊歌有行路難曲辭頗疎質山松好之乃爲文其章句婉其節制每因醉酣從而歌之聽者莫不流涕初羊曇善唱樂桓伊能挽歌及山松以行路難繼之時

人謂之三絕

世說任誕篇注

御覽五百五

婉麗聽者莫不流淚羊曇善唱樂桓宣能挽歌時稱為三絕

山松陳郡人祖喬益州刺史父方平義興太

守松歷祕書監吳國內史孫恩作亂見害

世說

排調篇注

王蘊

蘊素嗜酒末年尤甚及在會稽畧少醒日

世說

狂誕篇注

劉牢之

牢之字道堅彭城人世以將顯父遁征虜將軍牢之沉毅多計數爲謝玄參軍苻堅之役以驍猛成功及平王恭轉徐州刺史桓玄下都以牢之爲前鋒行征西將軍玄至歸降用爲會稽內史欲解其兵奔而縊死

世說文學篇注

苻宏

宏苻堅太子也堅爲姚萇所殺宏將母妻來投詔賜田宅桓玄以宏爲將玄敗寇湘中伏誅

世說輕詆篇注

已上俱世說注

謝安

謝安爲桓溫司馬不存小察盡弘長之風任彥升王文憲集序注又天監三年策秀才文注

王雅

王雅字茂德東海郟人爲右僕射文選沈休文奏彈王

殷仲文

殷仲文字仲文陳郡人也爲驃騎行參軍以桓玄之嬖夫玄僭立用爲長史帝反正出爲

東陽太守愈益憤怒後照鏡不見其面數日

禍及

文選殷仲文南州桓公九井作詩注

桓玄僭位仲文以佐命親貴帝初反正抗表

自解

文選殷仲文解尚書表注 已上文選

武陵王

武陵王晞未敗四五年喜爲挽歌自搖大鈴

使左右和之

書鈔九十二和之作唱和

初學記十四引御覽五百五十

二引鈴上無大字

會稽王

太元八年詔賜會稽王祕書八千卷

書鈔一百一

王珣

王珣當之吳郡就汰道人宿汰公設豆藿糜

汰公自噉一大甌珣強進半甌須臾珣設精

饌果炙畢備汰公都無所噉

書鈔一百四十二陳補

謝混

謝混字叔源求領戎行拜征虜將軍

書鈔六十四

何無忌母

何無忌母劉牢之姊也無忌與高祖謀夜於

屏風裏制檄文母潛登屏風上窺既知其謀

大喜曰汝能如此吾讐耻雪矣書鈔一百三藝文五十

八制作製御覽五百九十七引制作製潛

登作潛于大喜下有謂字又七百一引高祖

上有宋字登上無潛字無既知其謀四字雪

上無耻字又七百六十四引同書鈔大喜下

有謂字說邪五十九引同御覽七百一末

陶潛

陶淵明嘗九月九日無酒出宅邊菊叢中摘

菊盈把坐其側久望見白衣人至乃王弘送

酒也卽便就酌醉而後歸書鈔一百五十五

藝文四又八十五

一引陶潛無酒坐宅邊菊叢中採摘盈把見
 王弘遣送酒卽便就酌初學記十一引陶
 淵明作陶潛出作於酌下無醉字御覽三
 十二引陶淵明作陶潛無出字菊叢上有東
 籬下三字久作未幾就下無酌字又九百九
 十六引無宅邊二字久下有之字無醉而後
 歸四字事類賦五引陶淵明作陶潛以下
 同御覽三十二送酒也下作卽便酣飲以下
 郭五十九引陶潛九月九日至末出作於人
 下無至字送酒下無也字酌下無醉字已
 上書鈔

陳寔

陳仲弓從諸子姪造荀季和父子於時德星

聚太史奏五百里內有賢人聚初學記一世說德行篇

注引無季和二字德星下無聚字無內有二

溫嶠

肅祖欲以溫嶠爲中書令手詔曰卿以令望忠允之懷著於周旋且文清而旨遠宜居機密欲卽爲中書令

初學記十一

溫嶠上書曰臣才短學淺文疏不通中書之職酬對無方斟酌輕重豈惟文疏而已自非望士良才何可妄居斯任累辭而止

初學記十一

藝文四十八引溫嶠爲中書令詔曰中書之職酬對多方斟酌禮儀非惟文疏而已非望

雁達鸞續晉陽秋

王良才何可妄居案此誤以溫嶠上書為詔

王獻之

王獻之少而標邁不循常貫而撮其勝會故

為中書令

初學記十一

說郛五十九引王

尋為一字

時風流之冠案循誤作尋下脫常貫

甘露

隋郡上甘露降攝揚縣垂木露凝十餘里

記二 已上初學記

桓玄母

桓玄庶母馬氏本袁真之妓也與同列薛氏
郭氏夏夜同坐月丁有銅甕水在其側見一
流星墮甕中驚喜共視見星如二寸火珠於
水底罔然明淨乃相謂曰此吉祥也誰當應
之於是薛郭更以瓢酌接取並不得焉最後
取星正入瓢中便飲之既而若有感焉俄而
生玄玄雖篡位不終而數年之中榮貴極矣
藝文一 御覽五 書鈔一百五十六陳補引
同

劉禪

司馬文王問劉禪曰頗思蜀不禪曰此間樂
不忠蜀也卻正見禪曰若王復問宜泣有以
苦會王復問禪曰先人墳墓遠在隴蜀乃心
西望無日不思因閉眼王曰何乃似卻正語
耶禪驚視曰誠如尊命

御覽四百八十八

廢帝海西公

帝少同閹人之疾而出比左右

案出字疑誤

初在

東海琅邪因親近嬖人相寵計好朱靈保等
並侍內美人田氏遂生三男衆致疑惑然

莫能審其虛實至是將建儲貳大司馬因之
以定廢立之計遂率百僚並還朝堂本省溫
平旦以衆入分兵屯宮門呈草於皇太后曰
今廢奕爲東海王以還第世衛之儀如漢制
昌邑故事丞相錄尙書事會稽王昱體自中
宗明德劭令民望依係爲日已久宜順天人
以統皇極士百明依舊典以時施行但未亡
人不幸罹此憂感念存沒心焉如割社稷
天計役不獲已臨紙悲塞如何可言時太后

在佛屋燒香內侍啟云外有急奉太后乃出
堂倚戶前視表數行乃曰我本自疑此至半
便止求筆題奏後云未亡人罹此百憂感念
存沒心焉如割溫奏未有此十五字自奏遂
迴避換內之

御覽九十九

太宗簡文帝

帝以太興三年生弱而慧異中宗深器焉及
長美風姿好清言舉止端詳器服簡素與劉
渢王等爲布衣之友由登庸歷位散騎常

侍右將軍撫軍將軍以懿親民望任登宰輔
值穆帝幼沖母后臨朝桓溫有平蜀洛之勲
擅強西陵帝於家國之計具瞻所歸而自斷
之弱無以抗之陳郡人殷浩素有盛名時論
比之管葛又琅邪王洽丞相導子既是名公
子少有聲望乃以浩爲湘州刺史洽爲長史
徐州刺史葛羨亦以清貴居藩同心憂國溫
見此樹置知在抗己溫旣以雄武專朝任兼
將相悉衆北討以成樂推之勢乃枋頭奔敗

知民望之去乃屠豫州刺史袁真於壽陽城而問郄超足下何以雪枋頭之耻乎超因說溫以廢立之事溫既宿有此謀深納超言既廢昏立明民人悅服然恭已南面政自溫出帝性韻深沉雅有局鎮常與太宰武陵王晞桓溫同乘至板橋溫密勅令無因而鳴角鼓譟部伍並皆驚馳溫佯爲駭異而睇大震驚急求下車帝舉止自若顏色不變溫每以此稱其德量故論者謂服憚之深若假帝修年

則溫篡逆之圖絕矣

御覽九十九

世說容

止端詳又雅量篇注引帝性蘊雅有局鎮嘗

與桓溫武陵王晞同乘至板橋至謂服憚之

謂下有溫字之作也無急求下車四字顏

作音顏藝文十二引至爲布衣之友友作

遊

桓溫始以雄盛入輔係以廢立帝雖登祚內

不自安初熒惑入太微尋廢海西公至是熒

惑猶在太微帝惡之謂郗超曰命之修短本

所不計故當無復近日事耶超云大司馬臣

溫方內固社稷外布經畧非常之事臣以百

民國甲戌

檀道鸞續雪陽秋

五江都朱氏

口保之假還東帝謂之曰致意尊公家國事
一至於此由吾不能以道自衛思患預防愧
嘆之深言何能喻又誦庾闡詩云士痛朝危
臣哀主辱因泣下及不預詔溫曰吾遂委頓
足下便不冀得相見又詔曰不謂疾患遂至
於此今者惓然勢不復久且雖有詔豈復相
及慨恨兼深如何可言天下艱難而昌明幼
冲眇然非阿衡輔導之計當何以寧濟社稷
國事家一託之於公

御覽九十九

孝武帝

太元五年霹靂含章殿柱殺內侍二人

御覽
八百

七十六

初帝耽於色末年殆爲長夜之飲醒時旣少

多居內殿留連於盤薄之間時張貴人寵冠

後宮威行閭內年幾三十帝妙列伎樂陪侍

並少乃笑而戲云云汝以年當廢矣吾已屬

諸妹少矣貴人潛怒上不覺上稍醉卧貴人

遂令其婢蒙之以被旣絕云以魘崩至丑時

檀道鸞續晉陽秋

補刊

方遷登太極前殿

御覽九十九

恭帝

初安皇不惠起居動止不自己出帝每侍左右雖溫涼飢飽之中而恭謹備焉時人稱其順悌又雅信佛教捐財貨十萬造丈六金像於瓦官寺齋日迎像入室步從十許里安皇帝歸陵有詔當出送入座奏諫以爲宜加珍攝乃止

御覽一百

孝武李太后

初太宗諸子繼天乃令扈謙卜云後房有一女當誕二男其一終大盛帝乃召相者示諸寵妾皆曰非其人又示諸婦時織坊中有一人形長色黑宮人謂之崑崙至相者驚曰此其人也帝以大計幸之生烈宗也

御覽三百八十八

李太后在會稽王宮夢兩龍枕膝日月入懷其後果以相者之言見幸太宗凡生烈宗會稽王道子及鄱陽公主焉

御覽三百九十八

會稽王

桓玄嘗詣會稽王導子已醉對玄張眼屬四

座云桓溫作賦玄見此辭

此辭二字誤當從四百九十七作已

辭勢難測伏席流汗長史謝重歛板正色曰

故大司馬廢昏立明功全社稷風塵之論宜

絕聖聽

御覽三百八十七又四百九十七引至流汗道子二字重書鈔一百二

十八引桓玄嘗詣會稽王道子已醉王歛板正色曰公廢昏立明功高社稷風塵之論宜

達聖聽案所引有脫誤

謝安

初苻堅南寇京師大震謝玄人問討禦之方

謝安夷然無懼色玄等旣破賊有驛書至安
方對客圍棋看書旣畢攝放牀上了無喜色
還棋如故客問之安徐荅云小兒輩遂已被
賊客罷還內過戶安心喜甚不覺屐齒之折
其矯情鎮物如此

御覽四百六十七

習鑿齒

習鑿齒以足病廢於里巷苻堅滅樊鄧素聞
其名與釋道安俱舉而致焉與語大悅以其
蹇疾裁堪半丁與諸鎮書曰晉氏平吳利在

二陸今破漢南得士一人半耳

御覽三百七十二

羅友

襄陽羅友家貧嗜酒伺人祠祀往乞餘在桓
溫府屢以貧乞祿溫以其誕肆許而不用同
府人有得郡者溫爲坐別友亦被命至尤晚
溫問之荅曰民欽道嗜味昨奉教乃守旦出
門於中路遇一鬼大見耶歛曰見汝送人作
郡不見人送汝作郡民始怖終慙不覺淹緩
溫笑用之爲郡也

御覽四百九十八又八百八十三引襄陽羅友在桓

溫州屢以貧乞祿至末無荅字無民欽道不
字旦十一字耶欽作却偷民始怖民作友未
句作溫笑而用之說郭五十九引同御覽
八百八十三遇上有見字無大見却偷四字
日上有謂余二字

徐羨之

大司馬府軍中人朱興妻周息男道扶年三
歲先得癰病因其病發掘地生埋之爲道扶
姑雙文所告正周棄市刑徐羨之議曰自然
之愛虎狼猶人周之凶忍宜加顯戮臣以爲
法律之外故當弘濟物之理愚謂可特原母

命投之遐裔從之

御覽七百三十九

王謐

太元十八年王謐爲祕書丞乃表前尙書

允中書郎張敞太子後率郗儉之故太常桓

石秀是多書之家諸祕書郎分局採借

御覽二百

三十三

王恭

初淮陵內史虞珽妻裴以尺牘辯利兼服食

絕穀常衣黃衣狀若學道司馬道子常延之

甚悅其才每與百官宴飲裴亦預焉悉令與
賓客談衆人皆爲降節王恭辭曰恭聞男女
之別國之大節未聞宰相之坐有失行婦人
舉坐竦然道子爲慙

御覽四百二十八

吳隱之

初議以吳隱之爲黃門郎而隱之貌似太宗
上不忍見故改焉

御覽三百九十六

桓玄

桓宣武與與妻妾坐月下流星墜下銅盆水

中光如二寸珠頽然妄酌飲之生立

御覽七百五十八

八

說郭五十九引頽然作顛然

魏詠之

魏詠之生而免缺相者云後當殷年十八聞
荊州殷仲堪帳下有術人能治之因西上仲
堪與語令師看焉師曰可割補之但應百日
食粥不語笑詠之曰半年不語亦當治之況
百日也師爲治而差

御覽七百四十九

說郭

謝琰

會稽太守謝琰拒孫恩恩帳下都督張猛於
後研馬琰墮地遂殺之高祖左里之捷生擒
猛送琰小子混刳生食之

御覽三百七十六
說郭五十九

劉毅

劉毅至黑時人謂之鐵色

御覽三百八十八
說郭五十九

盧循

盧循爲廣州州無麴每得分餉未周遍文武
則不食也其仁如此

御覽二百八十

王談

王談年十許歲父爲鄰人竇度所殺談陰有復讐之志年十八密貴市利插刃陽若以耕耨者度常乘船出入經一橋下談伺度行過還於橋上以插斬之應手而死旣而歸罪有司太守孔巖義其孝勇列上宥之

御覽四百八十二

太尉

太尉伐羌於濟口入河索虜遣將鵝青步騎十萬於河北聲云投羌太尉遣隊主丁旡以車五百乘北岸爲卻月陣相去一步車置七

人授以長白旼契

御覽三百五十四

陶潛

江州刺史王弘造陶淵明淵明無屐弘從人脫履以給之語左右爲彭澤作履左右請履度淵明於衆坐申腳令度及履至著而不疑御覽六百九十七

王猛

咸陽王猛被縕袍而詣桓溫面談當時之事猛摸虱而言傍若無人溫察而奇之

御覽九百五十一

一 說郭五十九引奇之作許之

慕容垂

苻堅之遣慕容垂侍中權翼諫不聽於是翼乃夜私遣壯士要路而擊之垂是夜夢行路路窮顧見孔子墓傍墳有八覺而心惡之召占夢者占之曰行路窮道盡也不可行孔子名丘八以配丘此兵字路必有伏兵深宜慎之於是垂遂別路而進翼伏兵遂不擒之

御覽

四百

已上俱御覽

王珉

中書令王珉好捉白團扇其侍人謝芳歌

因以爲曲

說郛五十九

崔祖思

清河崔祖思死家無餘財有書八千卷上聞

嗟嘆良久乃以葛屯穀百五斛

百五二斛字疑倒

賜其

家曰葛屯亦吾之垣下令後世知其見異說郛
五十九

苻堅

村堅未攻長安市鬼夜哭一月止說郭已上

補遺

謝安

謝安有反東山之志每形之於言文選謝靈運還舊園作見顏范二中書詩注

姚畧

姚畧好書有綠紙赤軸書鈔一百四